

ჯანდაცვის მენეჯმენტის სამაგისტრო პროგრამა

სპეციალობა : მენეჯმენტი.

პროგრამის მოცულობა კრედიტებში: 120
კრედიტი.

მისანიჭებელი კვალიფიკაცია: ბიზნესის ადმინისტრირების
მაგისტრი.

პროგრამაზე დაშვების წინაპირობა: სამაგისტრო პროგრამაზე სწავლის უფლება აქვს ბაკალავრის ან მასთან გათანაბრებული აკადემიური ხარისხის მქონე პირს, საერთო სამაგისტრო გამოცდების შედეგების საფუძველზე სპეციალობაში გამოცდის წარმატებით ჩაბარების შემდეგ. აგრეთვე უმაღლესი განათლების შესახებ საქართველოს კანონის 52¹-ე მუხლის მე-7 პუნქტით განსაზღვრულ პირებს, მხოლოდ სპეციალობაში გამოცდის წარმატებით ჩაბარების შემდეგ.

სწავლების ენა: ქართული.

საგანმანათლებლო პროგრამის მიზანია ღრმა თეორიულ და პრაქტიკულ ცოდნაზე დამყარებული, შრომის ბაზარზე ორიენტირებული, კონკურენტუნარიანი ბიზნესის ადმინისტრირების მაგისტრის მომზადება, რომელსაც სიღრმისეულ და სისტემურ დონეზე ეცოდინება: ჯანდაცვის ობიექტების საქმიანობის დაგეგმვა, ორგანიზება, მოტივაცია, კონტროლი და გააცნობიერებს ჯანდაცვის მენეჯმენტის პრობლემების გადაჭრის გზებს; ჯანდაცვის ობიექტებში ადამიანური რესურსების მენეჯმენტი; ჯანდაცვის ობიექტების უმაღლესი მმართველობა და სტრატეგია; საფინანსო მენეჯმენტი და ინოვაციური პროცესების მართვა. შეეძლება: ეფექტიანად და კრეატიულად გამოიყენოს სამედიცინო ობიექტების ეკონომიკისა და მენეჯმენტის ძირითადი მიმართულებები, იმოქმედოს გაუთვალისწინებელ და მრავალფეროვან გარემოში; დანერგოს უმაღლესი მმართველობის მენეჯმენტი. შეეძლება კომპეტენტურად წარმართოს მენეჯერული საქმიანობა.

სწავლის შედეგები: კურსდამთავრებულს ეცოდინება: ჯანდაცვის ობიექტების ეკონომიკისა და მენეჯმენტის მნიშვნელობა, მეთოდები, პრინციპები და ფუნქციები. საქმიანობის დაგეგმვის, ორგანიზების, მოტივაციისა და კონტროლის მნიშვნელობა და გააცნობიერებს ჯანდაცვის მენეჯმენტის პრობლემების გადაჭრის გზებს; ჯანდაცვის ობიექტების საქმიანობის ორგანიზება ღრმად და სისტემურად.

კურსდამთავრებული შეძლებს: გამოიყენოს მენეჯმენტის თანამედროვე სახეები, ხელი შეუწყოს ჯანდაცვის ობიექტების ფუნქციონირების სრულყოფას; გამოიყენოს ჯანდაცვის ობიექტებში ბიზნესის მართვის მეთოდები, იმოქმედოს გაუთვალისწინებელ და მრავალფეროვან გარემოში; დამოუკიდებლად გაუწიოს ხელმძღვანელობა ბიზნესის განვითარებას ჯანდაცვის ობიექტებში; ჯანდაცვის ობიექტებში ინოვაციური პროცესების მართვასა და ინოვაციური პოტენციალის შეფასებას; ჯანდაცვის ობიექტების საქმიანობაზე

რთული, არასრული ინფორმაციის კრიტიკული ანალიზის საფუძველზე არგუმენტირებული დასკვნის გაკეთებას; საკუთარი სწავლის პროცესის სტრატეგიულ დაგეგმვას.

ცოდნის შეფასების სისტემა: შეფასება ხდება 100 ქულიანი სისტემით, 60 ქულა - შუალედური შეფასებები, 40 ქულა დასკვნითი გამოცდა. შუალედური შეფასებების მინიმალური კომპეტენციის ზღვარი განისაზღვრება 21 ქულით. დასკვნითი გამოცდის მინიმალური კომპეტენციის ზღვარი განისაზღვრება 14 ქულით.

შეფასების სისტემა უშვებს:

ა) ხუთი სახის დადებით შეფასებას:

- (A) ფრიადი –მაქსიმალური შეფასების 91%–100%;
- (B) ძალიან კარგი – მაქსიმალური შეფასების 81-90 %;
- (C) კარგი – მაქსიმალური შეფასების 71-80 %;
- (D) დამაკმაყოფილებელი – მაქსიმალური შეფასების 61-70%;
- (E) საკმარისი – მაქსიმალური შეფასების 51-60 %;

ბ) ორი სახის უარყოფით შეფასებას:

(FX) ვერ ჩააბარა— მაქსიმალური შეფასების 41-50%, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება.

(F) ჩაიჭრა – მაქსიმალური შეფასების 40% და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

სამაგისტრო ნაშრომის შეფასება ხდება 100 ქულიანი სისტემით:

ა) ფრიადი (*summa cum laude*) – შესანიშნავი ნაშრომი (91-100 ქულა);

ბ) ძალიან კარგი (*magna cum laude*) – შედეგი, რომელიც წაყენებულ მოთხოვნებს ყოველმხრივ აღემატება (81-90 ქულა);

გ) კარგი (*cum laude*) – შედეგი, რომელიც წაყენებულ მოთხოვნებს აღემატება (71-80 ქულა);

დ) საშუალო (*bene*) – საშუალო დონის ნაშრომი, რომელიც წაყენებულ ძირითად მოთხოვნებს აკმაყოფილებს (61-70 ქულა);

ე) დამაკმაყოფილებელი (*rite*) – შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს (51-60 ქულა);

ვ) არადამაკმაყოფილებელი (*insufficient*) – არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს მასში არსებული მნიშვნელოვანი ხარვეზების გამო (41-50 ქულა);

ზ) სრულიად არადამაკმაყოფილებელი (*sub omni canone*) – შედეგი, რომელიც წაყენებულ მოთხოვნებს სრულიად ვერ აკმაყოფილებს (0-40 ქულა).

სამაგისტრო ნაშრომი მაგისტრანტს შესრულებულად ჩაეთვლება, თუ შეფასებისას დააგროვებს 51 და მეტ ქულას.

სამაგისტრო ნაშრომის 41-50 ქულით შეფასების შემთხვევაში მაგისტრანტს უფლება ეძლევა გადამუშავებული სამაგისტრო ნაშრომის წარადგინოს მომდევნო სემესტრის განმავლობაში.

სამაგისტრო ნაშრომის 0-40 ქულით შეფასების შემთხვევაში მაგისტრანტი კარგავს იგივე ნაშრომის წარდგენის უფლებას. მას ენიჭება უფლება შეარჩიოს ახალი თემა და ხელმძღვანელი და სამაგისტრო ნაშრომი დაიცვას კომისიის წინაშე შემდეგ სასწავლო წელს.